



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-436-8/23**
Datum: **12.12.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Beton Imer“ d.o.o. Kalesija za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, kapaciteta 10 m³/sat sa pratećim objektima i sadržajima izgrađenim na zemljištu označenom kao k.č.br. 68/1 K.O. Tojšići, općina Kalesija, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Beton Imer“ d.o.o. Kalesija daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, kapaciteta 10 m³/sat sa pratećim objektima i sadržajima izgrađenim na zemljištu označenom kao k.č.br. 68/1 K.O. Tojšići, općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanal i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se tehnološke otpadne vode koje nastaju u procesu proizvodnje svježe betonske mase prikupljaju i odvođe zasebnim kanizacionim sistemima do jednokomornog taložnika dimenzija cca 3,30 m x 1,20 m, dubine 1,20 m. Da se vode sa radno manipulativnih površina prikupljaju i odvođe do dvokomornog taložnika dimenzija cca cca 3,0 m x 4,5 m i dubine 1,30 m. Nakon taloženja prečišćena voda iz oba taložnika se ponovo koristi u tehnološkom postupku proizvodnje svježe betonske mase (sistem recirkulacije vode).
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i

šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.9. Sadržaj (mulj) iz taložnika i kanala i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.10. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje svježe betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Beton Imer“ d.o.o. Kalesija obratio se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za

proizvodnju svježe betonske mase, sa pratećim objektima i sadržajima izgrađenim na zemljištu označenom kao k.č.br. 68/1 K.O. Tojšići, općina Kalesija.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

A. Opća dokumentacija:

- Ugovor broj:710-01/23 od 29.09.2023. godine potpisan sa „Kemeko-BH“ d.o.o. Lukavac,
- Rješenje o izmjenama podataka broj: 032-0-Reg-18-000345 od 20.02.2018. godine, izdato od strane Općinskog suda u Tuzli -ovjerena kopija,
- Uvjerenje o registraciji/upisu u Jedinstveni registar obveznika indirektnih poreza, broj:04/1-UPJR/1-321-2/08 od 23.01.2008. godine izdato od strane Uprave za indirektno-neizravno oporezivanje Banja Luka – ovjerena kopija,
- Rješenje o naknadnom odobrenju za izgrađeni poslovni objekat. Broj:02/2-1-19-2-753 od 16.03.2020. godine izdato od strane Službe za prostorno uređenje, geodetske i imovinsko-pravne poslove općine Kalesija – ovjerena kopija,
- Prostorni plan Općine Kalesija za period 2015-2035 godine, broj:02/2-1-23-1-1897/19 od 09.10.2019. godine izdat od strane Službe za prostorno planiranje, geodezije i komunalne poslove općine Kalesija – kopija,
- Grafički prilog-Situacija R 1:750, broj:02/2-1-23-1-1897/19 od 14.10.2019. godine izdat od strane Službe za prostorno planiranje, geodetske i imovinsko-pravne poslove općine Kalesija – kopija,
- Rješenje o naknadnoj urbanističkoj saglasnosti, broj:02/2-1-23-1-1897/19 od 06.01.2020. godine izdato od strane Službe za prostorno uređenje, geodetske i imovinsko-pravne poslove općine Kalesija – kopija,

B-Tehnička dokumentacija

„Glavni projekat snabdijevanja vodom i dispozicija otpadnih voda za potrebe poslovno proizvodnog pogona /proizvodnja betona/ izvedeno stanje“, urađen od strane „Atrius projekt“ d.o.o. Živinice, broj:I-282-11/23, novembar 2023. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj pravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona betonare sa pratećim sadržajima „Beton Imer“ d.o.o. Kalesija na zemljištu označenom kao k.č.br. 68/1 K.O. Tojšići, općina Kalesija i tom prilikom sačinjen Zapisnik o izvršenom uviđaju broj: UP-1/21-3-40-436-6/23 od 21.11.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Osnovna namjena betonare je proizvodnja svježeg betona potrebnih i zahtjevanih marki i kvaliteta betona koji se transportnim sredstvima (automikserima) isporučuju kupcima. Kapacitet betonare iznosi 10 m³/sat.
- Investitor posjeduje Uvjerenje kojim se potvrđuje da se predmetni objekat ne nalazi unutar granica zaštitnih zona izvorišta Krušik, izdato od strane Službe za poduzetništvo i budžet Općine Kalesija, broj: 02/1-1-24-558 od 05.03.2012.godine.
- Investitor posjeduje Ugovor potpisan sa JP „Vodovod i kanalizacija Kalesija“ d.o.o. Kalesija, broj:6-72.4-363/23 kojim je ugovorena distribucija vode. Na lokaciji postoji izgrađeno vodomjerno okno sa jednim vodomjerom 3/4".
- Vodom se preko postojećeg vodomjera pune spremnici kapaciteta 6 m³ i 11 m³. Pomoću pumpe voda iz spremnika se ubacuje u proizvodni pogon kao i za potrebe hidranta.
- Od predmetnog objekta rijeka Gribaja udaljena je cca 10,00 m.
- Oborinske vode sa krova objekta ispuštaju se u okolno tlo.
- Na predmetnoj lokaciji izgrađena su dva taložnika. Jedan taložnik je jednokomorni dimenzija cca 3,30 m x 1,20 m, dubine 1,20 m i nalazi se uz samo postrojenje betonare. Svrha

ovog taložnika je prikupljanje vode od pranja auto miksera. Iz ovog taložnika kao i iz drugog taložnika pomoću potopne pumpe/muljarice/ voda se vraća u spremnik za vodu iz kojeg se voda ubacuje u pogon za potrebe proizvodnje betona-sistem recirkulacije vode.

➤ Drugi postojeći taložnik je dimenzija cca 3,0 mx4,5 m i dubine 1,30 m. Isti ima namjenu prikupljanja oborinske vode sa radno-manipulativne površine. Taložnik se sastoji od dvije odvojene komore. Višak vode iz druge komore ili u slučajevima velikih kiša prelijeva se preko barbakane-otvora u podnožnom zidu i ispušta u prirodni recipijent rijeku Gribaju.

➤ Na predmetnoj lokaciji ne postoji izgrađeno monitoring okno. Iz razloga što se treba obezbjeđiti kvalitet efluenta u skladu sa propisanim graničnim vrijednostima emisije u prečišćenoj vodi, investitor će izgraditi na terenu monitoring okno prije ispusta istaložene vode u recipijent-rijeku Gribaju. Ukoliko rezultati monitoringa ukažu na prisustvo ulja i masti tada se investitor obavezuje na ugradnju separatora ulja i masti sa koalescentnim filterom, adekvatnog kapaciteta.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Beton Imer” d.o.o. Kalesija ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježije betonske mase, sa pratećim objektima i sadržajima lociranog na zemljištu označenom kao k.č.br. 68/1 K.O. Tojšići, općina Kalesija, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13). Podnosilac zahtjeva je izvršio uplatu po Zaključku broj: UP-1/21-3-40-468-3/23 od 22.11.2023. godine.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B-5 obrazloženja rješenja

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- Beton Imer d.o.o.
- Kalesijskih brigade br.19, 75260 Kalesija, (kao u prilogu)
- ① AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava